

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA**

Služba za socijalnu zaštitu, stambene poslove i društvene djelatnosti

Broj: 07-11-7394/2023
Zenica, 11.04.2023. godine

STRUČNA SLUŽBA GRADSKOG VIJEĆA

PREDMET: Stav Službe

Izvještaj o radu JU „Dom za stara lica Zenica“ Zenica za 2022. godinu
- dostavlja se

U ime osnivača Služba za socijalnu zaštitu, stambene poslove i društvene djelatnosti, razmotrila je Izvještaj o radu JU „Dom za stara lica Zenica“ Zenica za 2022. godinu, shodno ovlaštenjima iz Statuta Grada i Odluke o zadržavanju prava osnivača. Uz izvještaj o radu Ustanove dostavljen je: Izvještaj o reviziji finansijskih izvještaja JU „Dom za stara lica Zenica“ za obračunski period od 01.01. do 21.12.2022. godine, Izvještaj o finansijskom položaju na kraju perioda (Bilans stanja, bilans uspjeha i dr.), Plan prihoda i rashoda Ustanove za 2023. godinu, Izvještaj o radu Upravnog odbora u 2022. godini i ocjena o radu direktora Ustanove. Nakon analize i ocjene navedenih dokumenata, Služba konstatuje:

- JU „Dom za stara lica Zenica“ Zenica je ostvarila funkciju organizovanog smještaja, prehrane, socijalnog rada, preventivne zdravstvene zaštite, pomoći i njege, odmora i rekreacije starijih lica kojima je potrebna stalna briga i pomoć u zadovoljavanju njihovih potreba, a te potrebe ne mogu ostvariti na drugi način. Obavljajući navedene usluge Javna ustanova „Dom za stara lica Zenica“ Zenica ostvarila je ulogu, za koju je i osnovana i u tom smislu ostvarila osnivačku misiju i javnu funkciju.
- Tokom 2022. godine u Ustanovi je boravilo ukupno 78 korisnika, najveći broj smještaja u Ustanovu ostvaren je na lični zahtjev korisnika.
- Struktura korisnika po kategorijama ukazuje da su najzastupljeniji polupokretni korisnici i korisnici sa potrebom za pojačanom pažnjom a potom nepokretni korisnici, dok je vrlo mali broj pokretnih lica koja su u stanju funkcionisati samostalno uz malu podršku zaposlenih u Ustanovi. Najzastupljeniji korisnici su u starosnoj dobi preko 80 godina života (39 korisnika ili 50%).
- U Ustanovi je angažovano 27 radnika od čega 25 radnika na neodređeno vrijeme. U strukturi zaposlenih najzastupljeniji su zdravstveni radnici srednje stručne spreme.
- Prema izvještaju nezavisnog revizora Ustanova je poslovala sa dobitkom od 2.277 KM (prihodi 942.564,24 KM i rashodom od 940.286,81 KM).
- Upravni odbor Ustanove usvojio je Izvještaj o radu Ustanove za 2022. godinu, Plan prihoda i rashoda Ustanove za 2023. godinu, finansijske izvještaje, te dao pozitivnu ocjenu o radu direktora Ustanove.

Saradnja Službe sa menadžmentom Ustanove je korektna u smislu pristupačnosti, međusobne komunikacije te realizacije osnivačkih obaveza.

Cijeneći sve navedeno, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Dom za stara lica Zenica“ Zenica za 2022. godinu, na razmatranje i usvajanje.

S poštovanjem.

PRILOG:

1. Izvještaj o radu JU „Dom za stara lica Zenica“ Zenica za 2022.godinu,
2. Plan prihoda i rashoda Ustanove za 2023. godinu,
3. Izvještaj o reviziji finansijskih izvještaja za JU „Dom za stara lica Zenica“ Zenica za obračunski period 01.01. do 31.12. 2022. godine,
4. Izvještaj o finansijskom položaju na kraju perioda (Bilans stanja, bilans uspjeha)
5. Izvještaj o radu Upravnog odbora u 2022. godini br.UO-01-35-155-1/23 od 28.03.2023.godine,
6. Odluku o usvajanju dokumenata JU Dom za stara lica Zenica br. UO-01-35-154/23 od 27.03.2023.godine
7. Ocjena o radu direktora Ustanove u 2022. godini br. UO-01-35-155/23 od 27.03.2023.godine

DOSTAVLJENO:

① x Naslov
2 x a/a

POMOĆNIK GRADONAČELNIKA

Sumea Mujkanović

